

ქ.თბილისი

ერთის მხრივ, შუახევის მუნიციპალიტეტი (შემდგომში „დამკვეთი“) წარმოდგენილი მერის ფრიდონ ფუტკარაძის სახით და მეორეს მხრივ შპს „საქართველოს ფოსტა“, წარმოდგენილი მისი კორპორატიული გაყიდვების სამსახურის უფროსის ნინო კირიაკიდიშის სახით (შემდგომში „შემსრულებელი“), ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება:

- 1.1. **საფელდეგერო მომსახურება** - საფელდეგერო სამსახურის მიერ სახელმწიფო მნიშვნელობის გზავნილის მიღება და უსაფრთხოდ, დაცულად, დაუზიანებლად და ოპერატიულად ჩაბარება ადგილზე ადრესატისათვის, წინასწარ შემუშავებული დახურული მარშრუტით.
- 1.2. **საფელდეგერო გზავნილი** - გრიფით „სამსახურეობრივი“, „საიდუმლო“, „სრულიად საიდუმლო“ და „განსაკუთრებული მნიშვნელობის“ გზავნილი. სამსახურეობრივი მნიშვნელობისა და „სახელმწიფო საიდუმლოების შესახებ“ კანონის“ მე-7 მუხლით განსაზღვრულ კორესპონდენციასა და ამანათს, რომელიც განკუთვნილია საქართველოს საკანონმდებლო, აღმასრულებელი და სხვა სახელმწიფო ორგანოებისათვის, სასამართლოებისა და ნებისმიერი სხვა ორგანიზაციების, იურიდიული ან/და ფიზიკური პირებისათვის.
- 1.3. **სტანდარტული საფელდეგერო გზავნილი** - საფელდეგერო გზავნილი, რომლის ადრესატისათვის ჩაბარების მიზნით, შემსრულებლის მიერ ვიზიტი ხორციელდება საფელდეგერო გზავნილის მისთვის გადაცემის მომდევნო სამუშაო დღიდან:
 - 1 (ერთიდან) - 3 (სამი) სამუშაო დღის ვადაში, გარდა მაღალმთიან რეგიონში ჩასაბარებელი საფელდეგერო გზავნილებისა, რომელთა ჩაბარებაც განხორციელდება წინამდებარე ხელშეკრულების დანართი N2-ით განსაზღვრულ ფიქსირებულ/კონკრეტულ დღეს;
- 1.4. **სასწრაფო საფელდეგერო გზავნილი** - საფელდეგერო გზავნილი, რომელზეც დამკვეთის მიერ მიეთითება სიტყვა „სასწრაფო“ და რეესტრში შესაბამის ადგილზე მიეთითება მისი ჩაბარების რეჟიმი - „სასწრაფო“, ამასთან სასწრაფო საფელდეგერო გზავნილის ადრესატისათვის ჩაბარების მიზნით, შემსრულებლის მიერ ვიზიტი ხორციელდება საფელდეგერო გზავნილის მისთვის გადაცემიდან:
 - 4 (ოთხ) საათში - თუ გამგზავნისა და ადრესატის ადგილსამყოფელია - ქ. თბილისი.
 - იმავე სამუშაო დღეს - თუ გამგზავნისა და ადრესატის ადგილსამყოფელია ერთი და იგივე ქალაქი.
 - მე-2 სამუშაო დღეს - მიუხედავად იმისა რომელ ტერიტორიულ ერთეულში იმყოფება ადრესატი და გამგზავნი.სასწრაფო საფელდეგერო გზავნილის მომსახურება არ ვრცელდება წინამდებარე ხელშეკრულებით განსაზღვრულ მაღალმთიან რეგიონზე დამისამართებულ ან/და გამოსატან საფელდეგერო გზავნილებზე.
- 1.5. **ადრესატი** - ფიზიკური, ან იურიდიული პირი, ვისზეც დამისამართებულია საფელდეგერო გზავნილი;
- 1.6. **გამგზავნის ადგილი/მისამართი** - დამკვეთის ადგილი/ზუსტი მისამართი: დაბა შუახევი. თამარ მეფის N30 საიდანაც შემსრულებელმა დამკვეთის მოთხოვნის შესაბამისად უნდა მიიღოს საფელდეგერო გზავნილი.
- 1.7. **გამგზავნი** - დამკვეთის სახელით მოქმედი და საიდუმლო საქმისწარმოებაზე დაშვების მქონე პირი.
- 1.8. **სამუშაო დღე** - ამ ხელშეკრულების მიზნებისათვის სამუშაო დღედ განისაზღვრება:
 - სტანდარტული საფელდეგერო გზავნილებისთვის - კალენდარული დღის 8 საათიანი ინტერვალი, გარდა შაბათ-კვირისა და საქართველოს ორგანული კანონით „საქართველოს შრომის კოდექსით“ განსაზღვრული უქმე დღეებისა.
 - სასწრაფო საფელდეგერო გზავნილებისთვის - კალენდარული დღის 8 საათიანი, ხოლო შაბათს - მხოლოდ ქალაქ თბილისში ჩასაბარებელი გზავნილებისთვის - 4 საათიანი ინტერვალი, გარდა კვირისა და საქართველოს ორგანული კანონით „საქართველოს შრომის კოდექსით“ განსაზღვრული უქმე დღეებისა.
- 1.9. **სამუშაო საათი** - ამ ხელშეკრულების მიზნებისათვის სამუშაო საათად განისაზღვრება სამუშაო დღის შემდეგი დრო:
 - ქ. თბილისის მასშტაბით - ორშაბათი-პარასკევის ჩათვლით - 10.00 სთ-დან -16.30- სთ-მდე
 - სასწრაფო საფელდეგერო გზავნილებისთვის ორშაბათი-პარასკევის ჩათვლით - 10.00 სთ-დან -16.30- სთ-მდე, აგრეთვე 17:00 სთ-დან 18:30 სთ-მდე (მორიგე ეკიპაჟისთვის); შაბათს - 10.00 სთ-დან 12:00 სთ-მდე.
 - დანარჩენ ტერიტორიაზე - ორშაბათი-პარასკევის ჩათვლით 10.00 სთ-დან - დანართ #2-ში აღნიშნულ

დრომდე;

1.10 . ტერიტორიული ერთეული - ამ ხელშეკრულების მიზნებისათვის, ტერიტორიული ერთეულებია:

- 1) მცხეთა-თიანეთი;
- 2) ქვემო ქართლი;
- 3) შიდა ქართლი;
- 4) სამცხე-ჯავახეთი;
- 5) კახეთი;
- 6) იმერეთი, რაჭა-ლეჩხუმი; ქვემო სვანეთი;
- 7) აჭარა;
- 8) გურია;
- 9) სამეგრელო-ზემო სვანეთი.

1.11 მაღალმთიანი რეგიონი - ამ ხელშეკრულების მიზნებისათვის, მაღალმთიანი რეგიონებია:

მესტია,ლენტეხი,ცაგერი,ონი,ამბროლაური, სტეფანწმინდა, ბარისახო, წალკა, ხულო, ნინოწმინდა, შუახევი,ქედა.

მუხლი 2. ხელშეკრულების საგანი

2.1 ხელშეკრულების საგანია ამ ხელშეკრულებით განსაზღვრული წესითა და დადგენილი საფასურის გადახდის სანაცვლოდ, შემსრულებლის მიერ დამკვეთისათვის საფელდეგერო მომსახურების გაწევა საქართველოს ტერიტორიაზე.

მუხლი 3. მომსახურების გაწევისა და საფელდეგერო გზავნილის ჩაბარების წესი

3.1. საფელდეგერო მომსახურების მისაღებად, დამკვეთი ტელეფონის ან კომუნიკაციის სხვა საშუალებით, რომელიც იძლევა შემსრულებლის მიერ ინფორმაციის მიღების დადასტურების საშუალებას, სამუშაო საათების განმავლობაში ატყობინებს შემსრულებელს მომსახურების მიღების სურვილის თაობაზე. შეტყობინება უნდა შეიცავდეს ინფორმაციას ჩაბარების რეჟიმის (სტანდარტული ან სასწრაფო) თაობაზე.

3.2. სტანდარტული საფელდეგერო გზავნილის შემთხვევაში, შემსრულებელი ვალდებულია შეტყობინების მიღებიდან არაუგვიანეს მომდევნო სამუშაო დღისა, გამოცხადდეს გზავნილის მიღების ადგილზე და უზრუნველყოს დამკვეთისაგან საფელდეგერო გზავნილის მიღება.

3.3. სასწრაფო საფელდეგერო გზავნილის შემთხვევაში, შემსრულებელი გზავნილის მისაღებად ცხადდება მხარეთა შორის წინასწარ შეთანხმებული ვადის განმავლობაში.

3.4. დამკვეთი ვალდებულია შემსრულებლის გამოცხადებამდე უზრუნველყოს გზავნილის დახარისხება და გასაგზავნად მომზადება, რათა არ მოხდეს შემსრულებლის შეფერხება.

3.5. გრიფით „საიდუმლო“, „სრულიად საიდუმლო“, „განსაკუთრებული მნიშვნელობის“ გზავნილი უნდა იყოს შეფუთული მკვრივ, შუქგაუმტარ ქაღალდში და გაკერილი ჯვარედინად, რომელზეც დაწებებული უნდა იყოს ბეჭედ დასმული თხელი ქაღალდი, რომლის ანაბეჭდი უნდა ემთხვეოდეს შემსყიდველი ორგანიზაციის დასახელებას.

3.6. თითოეული გზავნილი უნდა იქნეს ერთიმეორისაგან გამოიჯნული, ამასთან ერთი გზავნილი შეიძლება დამისამართებული იყოს მხოლოდ ერთ ადრესატზე, ერთ მისამართზე წასაღებად;

3.7. საფელდეგერო მომსახურების მიღების მიზნით, დამკვეთის მიერ გზავნილის შემსრულებლისათვის გადაცემა ხორციელდება შესაბამისი რეესტრის საფუძველზე, რომელშიც თითოეული პაკეტის შესახებ მიეთითება:

3.7.1. გზავნილის ნომერი;

3.7.2. გრიფი;

3.7.3. ჩაბარების რეჟიმი (სტანდარტული ან სასწრაფო);

3.7.4. ქალაქი, დაბა და ა.შ. სადაც იგზავნება საფელდეგერო გზავნილი;

3.7.5. ქვედანაყოფის სრული დასახელება (ასეთის არსებობის შემთხვევაში);

3.7.6. ადრესატის სრული დასახელება;

3.7.7. ადრესატის სრული მისამართი.

3.8. საფელდეგერო გზავნილის ჩაბარების ვადის ათვლა იწყება შემსრულებლის მიერ დამკვეთისაგან გზავნილის მიღების მომდევნო სამუშაო დღიდან, გარდა სხვა ტერიტორიულ ერთეულში მიღებული და მაღალმთიან რეგიონებში ჩასაბარებელი საფელდეგერო გზავნილებისა, რომელთა ჩაბარებაც მიუხედავად ჩაბარების რეჟიმისა განხორციელდება მხოლოდ ფიქსირებულ სამუშაო დღეებში.

3.9. სასწრაფო საფელდეგერო გზავნილის ჩაბარების ვადის ათვლა ჩერდება საქართველოს საავტომობილო გზებზე გადაადგილების დროებით შეუძლებლობის (გზის გადაკეტვა; გზებზე მომხდარი სხვადასხვა მოვლენები (ქვათაცვენა, ავარია, მოყინვა და ა.შ.) ვადით.

3.10. შემსრულებელი მომსახურების გაწევისას ხელმძღვანელობს შემდეგი წესით:

3.10.1. შემსრულებელმა საფელდეგერო გზავნილი ადრესატს უნდა ჩააბაროს ორგანიზაციის შემთხვევაში

კანცელარიას, ასეთივე დანიშნულების სტრუქტურულ ერთეულს, ორგანიზაციის ხელმძღვანელს, ან ორგანიზაციის შესაბამის უფლებამოსილ პირს, რომელიც უზრუნველყოფს გზავნილის უშუალო ადრესატისთვის ოპერატიულად გადაცემას.

3.10.2. პუნქტი 3.10.1-ით გათვალისწინებულ შემთხვევებში გზავნილის ჩაბარება უნდა დასტურდებოდეს რეესტრზე ადრესატის/მიმღების გარკვევით ხელის მოწერით, ბეჭდით და მიღების თარიღისა და ზუსტი დროის მითითებით, ხოლო ბეჭდის არქონის შემთხვევაში გარკვევით ხელის მოწერით, პირადი ნომრით და მიღების თარიღისა და ზუსტი დროის მითითებით.

3.10.3. სტანდარტული საფელდეგერო გზავნილის ჩაბარების წარუმატებელი მცდელობის (ადრესატი ადგილზე არ დახვდა) შემთხვევაში შემსრულებელი მეორე ვიზიტს ახორციელებს მომდევნო სამუშაო დღეს, გარდა იმ საფელდეგერო გზავნილების მომსახურებისა რომელთა ჩაბარებაც ხორციელდება ფიქსირებულ დღეს.

3.10.4. სასწრაფო საფელდეგერო გზავნილის ჩაბარების წარუმატებელი მცდელობის (ადრესატი ადგილზე არ დახვდა) შემთხვევაში შემსრულებელი მეორე ვიზიტს ახორციელებს მომდევნო სამუშაო დღეს, გარდა მაღალმთიან რეგიონებზე დამისამართებული სასწრაფო საფელდეგერო გზავნილებისა.

მუხლი 4. ხელშეკრულების ფასი და ანგარიშსწორების წესი

4.1. ხელშეკრულების ღირებულება განისაზღვრება შემსრულებლის მიერ დამკვეთზე გაწეული საფელდეგერო მომსახურების კონკრეტული სახეობებისა და რაოდენობის მიხედვით ხელშეკრულებაზე თანდართული განსაზღვრული ტარიფების შესაბამისად.

4.2. დამკვეთის მიერ შემსრულებლისათვის საფელდეგერო მომსახურებისათვის ამ მუხლის 4.1 პუნქტით განსაზღვრული ღირებულების გადახდა წარმოებს ყოველი თვის ბოლოს, საანგარიშო თვეში ფაქტობრივად განხორციელებული საფოსტო მომსახურების შესაბამისად მხარეთა შორის მიღება-ჩაბარების აქტის გაფორმებიდან და ანგარიშფაქტურის წარდგენიდან 10 სამუშაო დღის განმავლობაში.

4.3. ხელშეკრულების სავარაუდო ღირებულება შეადგენს 100 ლარს.

4.4. სასწრაფო გზავნილის შემთხვევაში ტარიფი დაანგარიშდება დანართი N1-ით განსაზღვრული გზავნილის ღირებულების ორმაგი ოდენობით.

4.5. ანგარიშსწორება წარმოებს ლარებში, თანხის შემსრულებლის საბანკო ანგარიშზე გადარიცხვის გზით.

მუხლი 5. შემსრულებლის უფლებები და ვალდებულებები

5.1. შემსრულებელი ვალდებულია:

- 5.1.1. ჯეროვნად და კეთილსინდისიერად შეასრულოს მასზე დაკისრებული უფლება-მოვალეობები;
- 5.1.2. შპს „საქართველოს ფოსტა“-ს გენერალური დირექტორის სახელზე მოწერილი მოთხოვნის საფუძველზე, მიაწოდოს დამკვეთს საფელდეგერო მომსახურების ამსახველი დოკუმენტაციის ქსერო ასლები;
- 5.1.3. მომსახურების გაწევაზე უარის თქმის შემთხვევაში, აცნობოს დამკვეთს მომსახურების გაწევაზე უარის თქმის საფუძველი.
- 5.1.4. დამკვეთის მიერ მომსახურების შემაფერხებელი გარემოებების აღმოფხვრის შემთხვევაში განახორციელოს მომსახურება.
- 5.1.5. აუნაზღაუროს დამკვეთს მისი მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების არაკეთილსინდისიერი, არაჯეროვანი ან არ შესრულების გამო მიყენებული ზიანი;
- 5.1.6. თავის უფლება-მოვალეობების განხორციელებისას სრულად დაიცვას საქართველოს მოქმედი კანონმდებლობითა და ამ ხელშეკრულებით განსაზღვრული მოთხოვნები.
- 5.1.7. ხელი შეუწყოს დამკვეთს კანონმდებლობითა და ამ ხელშეკრულებით მინიჭებული უფლებების გამოყენებაში.

5.2. შემსრულებელს უფლება აქვს:

- 5.2.1. მოსთხოვოს დამკვეთს ამ ხელშეკრულებითა და კანონმდებლობით მასზე დაკისრებული უფლება-მოვალეობების კეთილსინდისიერი და ჯეროვანი შესრულება;
- 5.2.2. მოთხოვოს დამკვეთს მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების შეუსრულებლობის, არაკეთილსინდისიერი ან არაჯეროვანი შესრულების გამო მისთვის მიყენებული ზიანის ანაზღაურება;
- 5.2.3. არ განახორციელოს საფელდეგერო მომსახურების გაწევა, თუ დამკვეთს გააჩნია დავალიანება მის მიმართ ან გზავნილი არ შეესაბამება ამ ხელშეკრულებით დადენილ მოთხოვნებს.
- 5.2.4. ამ ხელშეკრულებით განსაზღვრული წესით მოითხოვოს გაწეული მომსახურების ღირებულების დროული გადახდა.
- 5.2.5. იდავოს მომსახურების გაწევასთან დაკავშირებულ საკითხებზე, წარმოადგინოს დამატებითი დოკუმენტაცია.

- 5.2.6. კანონმდებლობით ან ამ ხელშეკრულებით განსაზღვრული საფუძვლის არსებობისას, ან დამკვეთის მიერ ამ ხელშეკრულებითა ან/და კანონმდებლობით დაკისრებული ვალდებულებების შეუსრულებლობის, ან არაჯეროვანი შესრულების შემთხვევაში (მათ შორის შემსრულებლის წარმომადგენლის დაყოვნებისას 20 წუთზე მეტი დროით, თუ ეს უკანასკნელი გამგზავნის მისამართზე გამოცხადებულია დანიშნულ დროს) უარი განაცხადოს საფელდეგერო მომსახურების გაწევაზე.
- 5.2.7. მოთხოვნის დამკვეთს ამომწურავი ინფორმაცია გადარიცხული თანხების შესახებ.
- 5.2.8. მოახდინოს გადარიცხული თანხების ინსპექტირება.
- 5.2.9. დამკვეთთან ურთიერთობებში ისარგებლოს ყველა იმ უფლებით, რაც მინიჭებული აქვს ამ ხელშეკრულებითა და საქართველოს კანონმდებლობით;
- 5.2.10. უარი განაცხადოს საფელდეგერო მომსახურების გაწევაზე, ან საფელდეგერო გზავნილის მიღებაზე, თუ ერთი პაკეტი დამისამართებელია სხვადასხვა ადრესატზე, ან სხვადასხვა მიტანის ადგილზე, ან გზავნილში პაკეტები ერთმანეთისაგან არ არის გამიჯნული, ან გზავნილი არ აკმაყოფილებს ამ ხელშეკრულებით გათვალისწინებულ სხვა პირობებს;
- 5.2.11. უარი განაცხადოს სასწრაფო საფელდეგერო გზავნილის მიღებაზე, თუ მომსახურების გაწევა ობიექტური მიზეზის გამო შეუძლებელია;
- 5.2.12. უარი განაცხადოს საფელდეგერო გზავნილის მიღებაზე, თუ გასაგზავნ გზავნილში მოთავსებულია ხუთ სხვადასხვა ნომრიან დოკუმენტზე მეტი დოკუმენტი.
- 5.2.13. უარი განაცხადოს საფელდეგერო გზავნილის მიღებაზე, თუ მისი წონა აღემატება 10 კგ-ს;

მუხლი 6. დამკვეთის უფლებები და ვალდებულებები

6.1 დამკვეთი ვალდებულია:

- 6.1.1. გზავნილის მისაღებად დაუბრკოლებლად გაატაროს თავის შენობაში შემსრულებლის წარმომადგენლები, ან ოპერატიულად გასცეს შენობაში შესვლის მუდმივი, ან დროებითი საშვი დადგენილი წესის შესაბამისად.
- 6.1.2. უზრუნველყოს შემსრულებლის ავტოტრანსპორტის მის კუთვნილ ტერიტორიაზე დაუბრკოლებლად შესვლა, ან ოპერატიულად გასცეს ორგანიზაციის კუთვნილ ტერიტორიაზე შესვლის მუდმივი, ან დროებითი საშვი დადგენილი წესის შესაბამისად.
- 6.1.3. მკაცრად დაიცვას გზავნილების გაფორმების, მოზადებისა და შემსრულებლისათვის მათი გაცემის წესი, არ დაუშვას შემსრულებლის წარმომადგენლის მოცდენა 20 წუთზე მეტი ვადით.
- 6.1.4. საფელდეგერო გზავნილში არ განათავსოს ხუთზე მეტი რაოდენობის სხვადასხვა ნომრიანი დოკუმენტაცია.
- 6.1.5. შემსრულებლის მოთხოვნის საფუძველზე მიაწოდოს მას ამომწურავი ინფორმაცია გადარიცხული თანხების შესახებ.
- 6.1.6. ხელი შეუწყოს შემსრულებელს კანონმდებლობითა და ამ ხელშეკრულებით მინიჭებული უფლებების გამოყენებაში.
- 6.1.7. ამ ხელშეკრულებით დადგენილი წესით განახორციელოს საფელდეგერო მომსახურებისათვის შესაბამისი ღირებულების გადახდა.
- 6.1.8. აუნაზღაუროს შემსრულებელს მისი მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების შეუსრულებლობის, აგრეთვე არაკეთილსინდისიერი ან არაჯეროვანი შესრულების გამო მიყენებული ზიანი;
- 6.1.9. თავის უფლება-მოვალეობების განხორციელებისას სრულად დაიცვას საქართველოს კანონმდებლობითა და ამ ხელშეკრულებით განსაზღვრული მოთხოვნები.
- 6.1.10. შესრულებელთან ურთიერთობისას და მიღება-ჩაბარების აქტზე ხელმოსაწერად გამოყოს შესაბამისი უფლებამოსილების მქონე პირი;
- 6.1.11. ხელშეკრულების გაფორმებისთანავე გამოყოს საიდუმლო საქმისწროებაზე დაშვების მქონე ორი პირი და წერილობით აცნობოს შემსრულებელს.

6.2. დამკვეთის უფლება აქვს:

- 6.2.1. მოსთხოვოს შემსრულებელს ამ ხელშეკრულებითა და კანონმდებლობით მასზე დაკისრებული უფლება-მოვალეობების კეთილსინდისიერი და ჯეროვანი შესრულება;
- 6.2.2. იდავოს მომსახურების გაწევათან დაკავშირებულ საკითხებზე, წარმოადგინოს დამატებითი დოკუმენტაცია.
- 6.2.3. მოითხოვოს საფელდეგერო გზავნილის უკან დაბრუნება, ან ჩაბარების ამსახველი დოკუმენტაციის ქსერო ასლი დადგენილი წესით, შპს „საქართველოს ფოსტა“-ს გენერალური დირექტორის სახელზე დაწერილი ოფიციალური წერილის საფუძველზე.
- 6.2.4. მოითხოვოს ინფორმაცია საფელდეგერო გზავნილის ჩაბარების შესახებ, ასეთი გზავნილის გაგზავნიდან მხოლოდ 1 (ერთ) წლიან პერიოდზე.
- 6.2.5. შემსრულებელთან ურთიერთობებში ისარგებლოს ყველა იმ უფლებით, რაც მინიჭებული აქვს ამ ხელშეკრულებითა და საქართველოს კანონმდებლობით.

6.2.6. მოთხოვნის შემსრულებელს მისი მართლსაწინააღმდეგო ქმედებით, აგრეთვე ხელშეკრულებით დაკისრებული ვალდებულებების შეუსრულებლობის, არაკეთილსინდისიერი ან არაჯეროვანი შესრულების გამო მიყენებული ზიანის ანაზღაურება;

7. მხარეთა პასუხისმგებლობა და დაუძლეველი ძალა

7.1. მხარეები ვალდებული არიან კეთილსინდისიერად და სრულად, ხელშეკრულების პირობებისა და საქართველოს კანონმდებლობის სრული დაცვით, შეასრულონ ხელშეკრულებით ნაკისრი ვალდებულებები.

7.2. მხარეები პასუხს აგებენ ხელშეკრულებით გათვალისწინებული ვალდებულებების შეუსრულებლობასა და არაჯეროვნად შესრულებაზე საქართველოს კანონმდებლობის შესაბამისად, ამასთან ზარალის ანაზღაურების ვალდებულების დადგომის შემთხვევაში, მისი ზღვრული თანხა არ შეიძლება აღემატებოდეს ამ ხელშეკრულების საფუძველზე გაწეული მომსახურების საერთო ღირებულებას.

7.3. საფელდეგერო მომსახურების ღირებულების დადგენილ ვადებში გადაუხდელობის შემთხვევაში, დამკვეთს დამატებით ეკისრება პირგასამტეხლოს გადახდა, ყოველ ვადაგადაცილებულ დღეზე გადასახდელი ღირებულების 0,1%-ის ოდენობით.

7.4. მხარეები თავისუფლდებიან პასუხისმგებლობისგან ვალდებულებების სრული ან/და ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია წინამდებარე ხელშეკრულებით გათვალისწინებული ვალდებულებების შესრულება.

7.5. „დაუძლეველი ძალის“ ქვეშ იგულისხმება გარემოებები, რომლებიც არ არსებობდნენ და რომელთა გათვალისწინება მხარეებს არ შეეძლოთ წინამდებარე ხელშეკრულების დადების დროს, ასევე რომელთა დადგომა, ზემოქმედების თავიდან აცილება და გადალახვა მხარეებს არ ხელეწიფებოდათ. კერძოდ: წყალდიდობა, მიწისძვრა, აფეთქება, ხანძარი, ავარია, ემბარგო, ომი და საომარი მოქმედებები, ბლოკადა, გაფიცვები, კანონმდებლობის ცვლილებები, რომლებიც აუარესებენ წინამდებარე ხელშეკრულების მხარეების სამართლებრივ სტატუსსა და რეჟიმს, აგრეთვე სხვა გარემოებები.

7.6. ამ მუხლის 7.4. პუნქტით გათვალისწინებული დაუძლეველი ძალის მოქმედების მთელ პერიოდში, მხარეები მიიღებენ ყველა აუცილებელ ზომას, მაქსიმალურად შეამცირონ ის დრო, რომლის განმავლობაშიც შეფერხებულია ვალდებულებ(ებ)ის შესრულება.

7.7. მხარე, რომელიც მიუთითებს დაუძლეველი ძალის გარემოებაზე თავისუფლდება პასუხისმგებლობისგან იმ ფარგლებში, რომლებშიც მას ხელი შეუშალეს დაუძლეველი ძალით გამოწვეულმა გარემოებებმა. ამასთან, იგი არ თავისუფლდება ამ ხელშეკრულების იმ სხვა ვალდებულებათა შესრულებისგან, რომელთა შესრულებასაც ხელს არ უშლის დაუძლეველი ძალით გამოწვეული გარემოებები.

7.8. მხარე, რომლისთვისაც დაუძლეველი ძალის დადგომის გამო ვალდებულებების შესრულება შეუძლებელი შეიქმნა, ვალდებულია გონივრულ ვადაში, მაგრამ არაუგვიანეს 7 (შვიდი) სამუშაო დღისა, აცნობოს მეორე მხარეს. არასაპატიო მიზეზით შეუტყობინებლობისა და დაგვიანებული შეტყობინების შემთხვევაში, იგი კარგავს უფლებას დაეყრდნოს დაუძლეველი ძალის არსებობას, როგორც პასუხისმგებლობისგან გათავისუფლების საფუძველს.

7.9. მხარე ვალდებულია დაუძლეველი ძალის დასრულების შესახებ წერილობითი შეტყობინება გაუგზავნოს მეორე მხარეს გონივრულ ვადაში, მაგრამ არანაკლებ 5 (ხუთი) სამუშაო დღისა ასეთი გარემოებების დასრულებიდან.

7.10. თუ დაუძლეველი ძალის მოქმედება გრძელდება 30 (ოცდაათი) დღეზე მეტ ხანს, მხარეებმა უნდა გადაწყვიტონ წინამდებარე ხელშეკრულების ბედი; თუ მხარეები ვერ მიაღწევენ შეთანხმებას, დავა განიხილება წინამდებარე ხელშეკრულების მე-8 მუხლის შესაბამისად.

8. დავის გადაწყვეტის წესი

8.1. მხარეები ადგენენ, რომ წინამდებარე ხელშეკრულებასთან დაკავშირებული ყველა პრეტენზია განხილული უნდა იქნეს 15 (თხუთმეტი) კალენდარული დღის ვადაში, მხარის მიერ პრეტენზიის წერილობითი ფორმით მიღების დღიდან.

8.2. ყველა დავა და უთანხმოება, რომელიც შეიძლება წარმოიშვას წინამდებარე ხელშეკრულებიდან გამომდინარე, წყდება მხოლოდ მხარეთა შორის მოლაპარაკების შედეგად. იმ შემთხვევაში, თუ მოლაპარაკების შედეგად შეთანხმება ვერ იქნა მიღწეული 30 (ოცდაათი) კალენდარული დღის ვადაში, მაშინ მხარეთა შორის დავას განიხილავს საქართველოს სასამართლო.

9. ხელშეკრულების ვადა და მოშლა

9.1. წინამდებარე ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2020 წლის 31 იანვრის ჩათვლით. ხოლო მომსახურების გაწევის ბოლო ვადაა 2019 წლის 31 დეკემბერი;

9.2. წინამდებარე ხელშეკრულება ვადამდე შეიძლება მოიშალოს მხარეთა ურთიერთშეთანხმებით.

9.3. თითოეულ მხარეს შეუძლია მოშალოს ხელშეკრულება ამ მუხლით გათვალისწინებული წესის დაუცველად თუ მეორე მხარე არღვევს დაკისრებულ მოვალეობებს და შესაბამისმა მხარემ განუსაზღვრა მას გონივრული ვადა

დარღვევის აღმოსაფხვრელად, ხოლო დამრღვევმა მხარემ ვერ უზრუნველყო დადგენილ ვადაში დარღვევის გამოსწორება.

10. დასკვნითი დებულებები

- 10.1. წინამდებარე ხელშეკრულების დანართი ითვლება მის განუყოფელ ნაწილად და განიხილება მასთან ერთად. ხელშეკრულების ნებისმიერი ცვლილება და დამატება ძალაშია მხოლოდ მაშინ თუ იგი შედგენილია წერილობითი ფორმით და ხელმოწერილია მხარეთა უფლებამოსილი წარმომადგენლების მიერ.
- 10.2. წინამდებარე ხელშეკრულების მოქმედების ვადის განმავლობაში, მომსახურების ღირებულება შეიძლება შეიცვალოს მხოლოდ მხარეთა ურთიერთშეთანხმების საფუძველზე.
- 10.3. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.
- 10.4. ყველა იმ საკითხის რეგულირების მიზნით, რომელიც არ არის მოწესრიგებული წინამდებარე ხელშეკრულებით, მხარეები სარგებლობენ საქართველოში მოქმედი კანონმდებლობის შესაბამისად.
- 10.5. წინამდებარე ხელშეკრულების ხელმოწერით ძალადაკარგულად ცხადდება მხარეებს შორის წინამდებარე ხელშეკრულების გაფორმებამდე არსებული ყველა ზეპირი მოლაპარაკება ან/და წერილობითი შეთანხმება, ან მათი ნაწილი, რომელიც ეწინააღმდეგება წინამდებარე ხელშეკრულებას.
- 10.6. მხარეთა მიერ ნაკისრი ვალდებულებებისა და ხელშეკრულების სხვა პირობების შესრულებისათვის, მხარეებმა შეიძლება დანიშნონ თავიანთი წარმომადგენლები, რომლებიც კოორდინაციას გაუწევენ ხელშეკრულებით განსაზღვრული საკითხების გადაწყვეტას.
- 10.7. მხარეები ვალდებული არიან იხმარონ ყველა ღონე, რათა ხელშეკრულების მოშლის შედეგად არ მიაყენონ ერთმანეთს მატერიალური ზიანი.
- 10.8. ხელშეკრულება შედგენილია თანაბარი იურიდიული ძალის მქონე ორ ეგზემპლარად და ინახება ხელშეკრულების მხარეებთან.

მუხლი 11. მხარეთარეკვიზიტები

შუახევის მუნიციპალიტი

მის: დაბა შუახევი, თამარ მეფის ქ.30

სახელმწიფო ხაზინა

ბ/კოდი: TRESGE22

საიდენტიფიკაციო კოდი: 247865145

მერი ფრიდონ ფუტყარაძე

შპს „საქართველოს ფოსტა“

მის: 0100 თბილისი, ვაგზლის მოედანი 2

ტელ: 2 240909

ბანკი: სს „საქართველოს ბანკი“

ბანკისკოდი: BAGAGE22

ანგ. ნომერი: GE13BG0000000123286800

ს/კ 203836233

კორპორატიული გაყიდვების სამსახურის უფროსი

ნინო კირიაკიძისი

Digitally signed by
Shuakhevi
municipality
Date: 2019.10.01
10:52:32 +04'00'


საფელდეგერო მომსახურების ტარიფები

გზავნილის სახეობა	წონა	ფასი (ლარებში)
საფელდეგერო გზავნილი	500გრ-მდე	6.5
	1კგ-მდე	11.5
	2კგ-მდე	15.00
	ყოველ დამატებით 100გრ-ზე	1

- სასწრაფო გზავნილის ტარიფი შეადგენს სტანდარტული ტარიფის ორმაგ ოდენობას.

„დამკვეთი“

შუახვევის მუნიციპალიტეტი

„შემსრულებელი“
შპს „საქართველოს ფოსტა“


#	კლასის დასახელება	სამუშაო დრო (ორშაბათი - პარასკევი)	სტანდარტული გზავნილების ჩაბარებისა და გამოტანის დღეები
1	ქუთაისი	16.00	ყველა სამუშაო დღე
2	ბათუმი	16.00	ყველა სამუშაო დღე
3	რუსთავი	16.00	ყველა სამუშაო დღე
4	ფოთი	16.00	ყველა სამუშაო დღე
5	ზუგდიდი	16.00	ყველა სამუშაო დღე
6	სტეფანწმინდა	13:00	ხუთშაბათი
7	მცხეთა	16.00	ყველა სამუშაო დღე
8	თიანეთი	15.30	ორშაბათი; ოთხშაბათი და პარასკევი
9	დუშეთი	16.00	ორშაბათი; ოთხშაბათი და პარასკევი
10	ბოლნისი	15.00	ყველა სამუშაო დღე
11	თეთრიწყარო	14.30	ყველა სამუშაო დღე
12	წალკა	13.30	ხუთშაბათი
13	მარნეული	15.30	ყველა სამუშაო დღე
14	დმანისი	14.30	სამშაბათი და პარასკევი
15	გარდაბანი	16.00	ყველა სამუშაო დღე
16	თელავი	16.00	ყველა სამუშაო დღე
17	საგარეჯო	14.00	ორშაბათი, ოთხშაბათი და პარასკევი
18	ყვარელი	16.00	სამშაბათი და ხუთშაბათი
19	ახმეტა	16.00	სამშაბათი და ხუთშაბათი
20	გურჯაანი	15.00	ორშაბათი, ოთხშაბათი და პარასკევი
21	სიღნაღი	16.00	ყველა სამუშაო დღე
22	დედოფლისწყარო	15.30	სამშაბათი და ხუთშაბათი
23	ლაგოდეხი	14.00	ორშაბათი და პარასკევი
24	გორი	16.00	ყველა სამუშაო დღე
25	კასპი	15.00	ორშაბათი; ოთხშაბათი და პარასკევი
26	ქარელი	16.00	სამშაბათი და ხუთშაბათი
27	ხაშური	16.00	ყველა სამუშაო დღე
28	ბორჯომი	15.30	სამშაბათი და ხუთშაბათი
29	ახალციხე	16.00	ყველა სამუშაო დღე
30	ახალქალაქი	14.00	ორშაბათი; ოთხშაბათი და პარასკევი
31	ასპინძა	15.00	ორშაბათი; ოთხშაბათი და პარასკევი
32	ადიგენი	16.00	სამშაბათი და ხუთშაბათი
33	ნინოწმინდა	13.30	ორშაბათი
34	თერჯოლა	16.00	ორშაბათი; ოთხშაბათი და პარასკევი
35	საჩხერე	16.00	ორშაბათი; ოთხშაბათი და პარასკევი
36	სამტრედია	16.00	ორშაბათი; ოთხშაბათი და პარასკევი
37	ხარაგაული	16.00	ორშაბათი; ოთხშაბათი და პარასკევი
38	ხონი	16.00	ორშაბათი და პარასკევი

39	ჭიათურა	16.00	ორშაბათი; ოთხშაბათი და პარასკევი
40	წყალტუბო	16.00	ყველა სამუშაო დღე
41	ტყიბული	15.30	სამშაბათი და ხუთშაბათი
42	ვანი	16.00	ორშაბათი; ოთხშაბათი და პარასკევი
43	ზესტაფონი	16.00	ორშაბათი; ოთხშაბათი და პარასკევი
44	ბაღდათი	16.00	ორშაბათი; ოთხშაბათი და პარასკევი
45	ამბროლაური	14.30	სამშაბათი და ხუთშაბათი
46	ონი	14.00	სამშაბათი და ხუთშაბათი
47	ცაგერი	14.00	სამშაბათი და ხუთშაბათი
48	ლენტეხი	13.00	სამშაბათი და ხუთშაბათი
49	აბაშა	16.00	ორშაბათი; ოთხშაბათი და პარასკევი
50	ხობი	16.00	ორშაბათი; ოთხშაბათი და პარასკევი
51	წალენჯიხა	15.00	ორშაბათი; ოთხშაბათი და პარასკევი
52	ჩხოროწყუ	15.30	ორშაბათი; ოთხშაბათი და პარასკევი
53	სენაკი	16.00	ორშაბათი; ოთხშაბათი და პარასკევი
54	მარტვილი	16.00	ორშაბათი; ოთხშაბათი და პარასკევი
55	მესტია	13.30	სამშაბათი და ხუთშაბათი
56	ქობულეთი	16.00	სამშაბათი; ხუთშაბათი და პარასკევი
57	ხელვაჩაური	15.00	ყველა სამუშაო დღე
58	ქედა	14.00	ოთხშაბათი
59	შუახევი	13.30	ოთხშაბათი
60	ხულო	13.00	ოთხშაბათი
61	ოზურგეთი	15.30	ყველა სამუშაო დღე
62	ჩოხატაური	16.00	ორშაბათი; ოთხშაბათი და პარასკევი
63	ლანჩხუთი	16.00	ხუთშაბათი